

ORDENANZA FISCAL REGULADORA DO IMPOSTO SOBRE CIRCULACIÓN DOS VEHÍCULOS DE TRACCIÓN MECÁNICA.

Artigo 1º.

De conformidade co que se prevé no artigo 96.4 da *Lei 39/88, do 28 de decembro, reguladora das facendas locais*, o coeficiente de incremento das cotas do imposto sobre vehículos de tracción mecánica aplicable neste municipio queda fixado no 1,18%.

Artigo 2º.

1- O pagamento do imposto acreditarase mediante un recibo que facilitará o servizo de recadación unha vez satisfeito o importe.

Artigo 3º.

1- No caso da primeira adquisición dun vehículo e cando estes se reformen, de maneira que se altere a súa clasificación para os efectos do presente imposto, os suxeitos pasivos presentarán ante a oficina xestora correspondente, no prazo de 30 días a contar a partir da data da adquisición ou reforma, a declaración por este imposto, segundo o modelo aprobado polo concello ó que se achegará a documentación acreditativa da súa compra ou a modificación, o certificado das súas características técnicas e o DNI ou o código de identificación fiscal do suxeito pasivo.

2- Pola oficina xestora practicarase a correspondente liquidación, normal ou complementaria, que lles será notificada individualmente ós interesados, indicándolles o prazo de ingreso e dos recursos procedentes.

Artigo 4º.

1- No caso de vehículos xa matriculados ou declarados aptos para a circulación, o pagamento das cotas anuais do

imposto realizárase dentro do 2º trimestre de cada exercicio.

2- No suposto que se regula no apartado anterior, a recadación das correspondentes cotas realizárase mediante o sistema de padrón anual, no que figurarán todos os vehículos suxeitos ó imposto que estean inscritos no correspondente Rexistro Público a nome das persoas ou entidades domiciliadas neste termo municipal.

3- O padrón ou matrícula do imposto expoñeráse ó público polo prazo de 15 días hábiles, para que os lexítimos interesados poidan examinalo e, no seu caso, formular as reclamacións oportunas. A exposición ó público anunciaráse no *Boletín Oficial da Provincia* e producirá os efectos de notificación da liquidación a cada un dos suxeitos pasivos

Artigo 4º bis- EXENCIÓNS

Para poder obter as exencións a que se refiren os parágrafos e), g), do apartado (1) do citado artigo 93 do *RD lexislativo*, os interesados deberán estar empadroados no Concello de Vilalba e instar a súa concesión todos os anos e dentro do primeiro trimestre de cada ano, agás no caso da primeira adquisición do vehículo polo minusválido ou de recoñecemento posterior da minusvalía dentro do mesmo ano, deben achegar á solicitude de exención a documentación requirida para o efecto, que será para o caso de solicitar por primeira vez a que se detalla a continuación:

Vehículos conducidos por persoas con discapacidade:

- a) *Certificado do grao de minusvalía expedido pola Consellería de Asuntos Sociais no que conste o grao e a clase de discapacidade padecida.*
- b) *Fotocopia do DNI.*
- c) *Ficha técnica do vehículo.*
- d) *Permiso de condución a nome do minusválido (anverso e reverso).*
- e) *Permiso de circulación a nome do minusválido.*
- f) *Póliza do seguro do vehículo na que figure o minusválido como tomador do seguro, condutor e propietario do vehículo.*
- g) *Declaración de uso exclusivo do vehículo para o transporte do beneficiario da exención.*

Vehículos destinados ó transporte de minusválidos:

- a) *Certificado do grao de minusvalía expedido pola Consellería de Asuntos Sociais, no que conste ademais do grao e a clase de discapacidade padecida, se o minusválido ten necesidade de asistencia de terceiras persoas.*
- b) *Fotocopia do DNI do minusválido e do seu condutor.*
- c) *Ficha técnica do vehículo*
- d) *Permiso de circulación a nome do minusválido.*
- e) *Póliza do seguro do vehículo na que figure o minusválido como tomador do seguro e como propietario do vehículo, e como condutor o habitual.*
- f) *Declaración de uso exclusivo do vehículo para o transporte do beneficiario da exención.*

E para o caso de sucesivas solicitudes, en calquera dos dous supostos, para persoas con discapacidade ou para transporte de minusválidos, unicamente a documentación seguinte:

- a) *Certificado do grao de minusvalía nos termos expresados nos parágrafos anteriormente descritos.*
- b) *Permiso de circulación a nome do minusválido.*
- c) *Póliza do seguro do vehículo nos termos expresados nos parágrafos anteriormente descritos*

A notificación da resolución da concesión da exención servirá de documento acreditativo da súa existencia.

Artigo 5º.

No que non está expresamente previsto na presente ordenanza, rexerán os preceptos que se conteñen na subsección 4ª, da sección 3ª, do capítulo II, do título II da citada *Lei 39/1988*, concordantes e complementarios dela, e nas demais leis do Estado reguladoras da materia, así como nas disposicións que foron ditadas para o seu desenvolvemento.

DISPOSICIÓN TRANSITORIA.

As persoas ou entidades que a data de comezo da aplicación do presente imposto gocen de calquera clase de

beneficio fiscal no imposto municipal sobre circulación de vehículos, continuarán no disfrute deles no imposto citado no primeiro termo ata a data da extinción dos ditos beneficios e, en caso de que eles non tivesen termo de disfrute, ata o 31/12/1992, inclusive.

DISPOSICIÓN DERRADEIRA.

A presente ordenanza fiscal, cuxa redacción definitiva foi aprobada polo Pleno da Corporación na sesión celebrada o 11 de outubro de 1989, entrará en vigor o mesmo día da súa publicación no *BOP*, será de aplicación a partir do día 1 de xaneiro de 1989, e permanecerá en vigor ata a súa modificación ou derogación expresa.

Esta ordenanza foi modificada no artigo 4 engadindo o 4 bis e esta modificación, xa introducida neste texto, e publicada no *Boletín Oficial da Provincia*, do 1 de abril de 2005, entrou en vigor a partir desta publicación, será de aplicación a partir do día 1/1/2005, e permanecerá en vigor ata a súa modificación ou derogación expresa.